

20.09.2017

NË EMËR TË POPULLIT

GJYKATA THEMELORE NË FERIZAJ- DEPARTAMENTI PER KRIME

TË RENDA-si gjykatë e shkallës së parë, me gjyqtarin Sahit Krasniqi kryetar i trupit gjykues, dhe sekretaren juridike Adelina Sallahu, në lenden penale kundër të pandehurit [REDAKTUAR] për shkak të veprës penale mbajtja në pronësi, kontroll, posedim ose shfrytëzim të pa autorizuar të armëve nga neni 374 par.1 të KPRK-së, sipas aktakuzës së Prokurorisë Themelore në Ferizaj PP.I.nr.44/17 të datës 06.04.2017, pas mbajtjes së shqyrtimit fillestar me 14.08.2017 në prani të Prokurorit të shtetit Rasim Maloku, të pandehurit [REDAKTUAR] shpallë dhe publikisht komunikon këtë:

A K T G J Y K I M

I pandehuri [REDAKTUAR] i lindur me dt. [REDAKTUAR] në fsh. [REDAKTUAR], Komuna e [REDAKTUAR], nga i ati [REDAKTUAR], dhe e ëma [REDAKTUAR], me vendbanim në rrugën. "[REDAKTUAR]" nr. [REDAKTUAR] në [REDAKTUAR], i martuar, babë i tre fëmijëve, shqiptar, shtetas i R. Kosovës, i gjendjes së mirë ekonomike, me numër personal [REDAKTUAR], Argjendarë.

Ë S H T Ë F A J T O R

Sepse: me datën 08.09.2016, në rrugën "Dëshmorët e Kombit" në Ferizaj, në Argjendarinë "[REDAKTUAR]" ka poseduar armët në kundërshtim me nenin 5 të Ligjit për armë nr. 05/L-022, në atë mënyrë që me rastin e kontrollit në lokalin e tije i është gjetur arma e tipit Vzor -50 e kalibrit 7.65 mm, me nr.serik C21050 me një karikator dhe 4 copë fishek të kalibrit 7.65 mm, e cila i është sekuestruar nga policia.

-me të cilën kreu veprën penale mbajtja në pronësi, kontroll, posedim ose shfrytëzim të pa autorizuar të armëve nga neni 374 par.1 të KPRK-së.

Andaj gjykata ne baze te neneve 3, 7, 17, 21, 41, 46, 73, e 374 par.1 te KPRK-së, si dhe te nenit 365 te KPPK-së të pandehurin e :

G J Y K O N

Të pandehurit [REDAKTUAR] i shqipton dënim me gjobe në shumë prej 500 (pesë qind) euro të cilin dënim është i obliguar që ta paguaj ne afat prej 15 ditësh, pasi Aktgjykimi te merr formën e prerë.

Ne rast se dënimi me gjobe nuk mund te ekzekutohet ne format tjera te parapara me nenin 46 par. 3 të KPRK-së, dënimi i caktuar me gjobe do ti shndërrohet ne dënim burgu, ashtu qe për çdo 20 euro të pandehurit do ti llogaritet një dite burgu.

Ne baze te nenit 374 par.3 te KPRK-se, konfiskohet në mënyrë të përhershme arma e tipit Vzor -50 e kalibrit 7.65 mm me nr. Serik C21050 me një karikator dhe 4 copë fishekë të kalibrit 7.65 mm.

Obligohet i akuzuari që në emër të paushallit gjyqësorë të paguaj shumën prej 30 (tridhjetë) euro, në afat prej 15 ditëve pasi që Aktgjykimi te merr formën e prerë.

A r s y e t i m i

Prokuroria Themelore në Ferizaj – Departamenti për Krime të Rënda ka ushtruar Aktakuzën PP.I.nr.44/17 të datës 06.04.2017 ndaj të pandehurit [REDAKTUAR] për shkak te veprës penale mbajtja në pronësi, kontroll, ose posedim të pa autorizuar të armëve nga neni 374 par.1 të KPRK-së.

Gjykata duke vepruar sipas kësaj qështje penale mbajti shqyrtimin fillestar me dt. 14.08.2017 në të cilën, prokurori i shtetit Rasim Maloku mbeti në tërësi pranë

Aktakuzës duke i propozuar gjykatës që i akuzuari të shpallet fajtorë dhe ti shqiptohet një dënim i paraparë me ligj.

I pandehuri [REDAKTUAR] në shqyrtimin fillestar ka deklaruar se e pranon fajësinë për veprën penale, për të cilën e ngarkon aktakuza në të gjitha pikat e saj, duke shtuar se për kryerjen e kësaj vepre penale është penduar dhe se revolen e ka mbajtur për shkaqe të sigurisë së tije personale .

Gjykata konstaton se janë plotësuar kriteret nga nen. 248 par.1 të KPPK-së nga se:

- i pandehuri ka kuptuar natyrën dhe pasojat e pranimi të fajësisë,
- pranimi i fajit është bërë vullnetarisht nga të pandehuri,
- i cili pranim mbështetet në faktet e çështjes që përmban aktakuza, në materialet e prezantuara nga prokurori i shtetit siç janë: vërtetimi mbi konfiskimin e sendeve i dt. 08.09.2016, raporti i shikimit të vendit të ngjarjes i dt. 09.09.2016 dhe fotografitë e shkresave të lëndës dhe se aktakuza nuk përmban asnjë shkelje të qartë ligjore ose gabime faktike.

Meqenëse i pandehuri e ka pranuar fajësinë e cila është në përputhje me kriteret e përcaktuara me nenin 248 par.1 të KPPK-së, kryetari i trupit gjykues konform nenit 248 par. 4 të KPPK-së ka vazhduar me shqyrtimin e dënimit (*nëse i pandehuri në shqyrtimin fillestar pranon fajësinë dhe kryetari i trupit gjykues vlerëson se pranimi i fajit është bërë në pajtim me ligjin mundë të vazhdoj procesin me shqyrtimin e dënimit pa plotësuar trupin gjykues dhe pa mbajtur fare shqyrtimin gjyqësorë, lidhur me këtë shih mendimin juridik të Gjykatës Supreme të evidentuar si GJA.nr.207/13 të dt. 19.03.2013*).

Vlerësuar nga aspekti juridik gjykata gjeti se në veprimet e të pandehurit formësohen të gjitha tiparet objektive dhe subjektive të veprës penale mbajtja në pronësi, në kontroll ose posedim të pa autorizuar të armeve nga neni 374 par.1 të KPRK-së, meqë me datën kohën dhe vendin siç është përshkruar në dispozitivin e këtij aktgjykimi, i pandehuri në lokalit të tije –Argjendarinë “[REDAKTUAR]” ka poseduar armën e tipit Vzor -50 e Kalibrit 7.65 me nr serik C21050 me një karikator dhe 4 copë fishek të kalibrit 7.65 mm.

Me rastin e matjes së llojit dhe lartësisë së dënimit gjykata vlerësoi të gjitha rrethanat të cilat ndikojnë në llojin dhe lartësin e dënimit në kuptim të nenit 73 të KPPK-së, si rrethana **lehtësuese** mori se i pandehuri ka pranuar fajësinë për veprën e kryer penale, nuk ka të dhëna që i njëjti më parë ka qenë i dënuar për ndonjë vepër penale, është penduar për kryerjen e kësaj vepre. Në mungesë të rrethanave veçanarisht rënduese gjykata vlerësoi shkallen e përgjegjësisë penale të të pandehurit dhe rrezikshmërinë konkrete të veprës penale ku, mbi bazën e rrethanave të tilla të pandehurit i shqiptoi dënim me gjobë në lartësi prej 500 € (pesëqind euro) €, me bindjen se në rastin konkret edhe përmes këtij dënimi do të arrihet qëllimi i dënimit me gjobë dhe qëllimi i përgjithshëm i dënimeve, në kuptim të preventives speciale dhe asaj gjenerale duke konsideruar se një dënim i tillë është adekuat dhe në proporcion të drejt në raport me peshën e vepres penale, rrethanave të kryerjes së vepres penale, shkallen e përgjegjësisë penale dhe personalitetin e të pandehurit.

Konform nen. 374 par .3 të KPRK-së, arma e tipit Vzor -50 e Kalibrit 7.65 me nr serik C21050 me një karikator dhe 4 copë fishek të kalibrit 7.65 mm .konfiskohen në mënyrë të përhershme .

Konform nenit 450 par.2 nënpar 2.6 të KPPK-së, është obliguar i pandehuri që në emër të paushallit gjyqësor të paguaj shumën prej 30 (tridhjet) euro, e cila është caktuar duke pasur parasysh gjendjen ekonomike të pandehurit dhe komplikushmerinë e kësaj çështje penale.

Nga arsyet e sipërcekura është vendos si në dispozitiv të këtij Aktgjykimi.

**GJYKATA THEMELORE NË FERIZAJ- DEPARTAMENTI PËR KRIME TË
RËNDA PKR.56/17, dt. 14.08.2017**

Sek. juridike
Adelina Sallahu



KËSHILLA JURIDIKE

Kundër këtij Aktgjykimi është e lejuar ankesa, Gjykatës së Apelit në Prishtinë në afat prej 15 ditësh nga dita e pranimit të kopjes me shkrim të këtij aktgjykimi, për mes kësaj Gjykate.